

名公增修晉書詳節

十六

名公校正晉書詳節卷之二十九

載記

姚弋仲 襄

性直
直無
草

姚弋仲南安赤亭羌人石季龍時累遷冠軍大將軍
季龍末梁犢敗李農於滎陽季龍懼弋仲弋仲輕
騎至鄴時季龍病不時見弋仲引入領軍省賜其所
食之食弋仲怒不食曰召我擊賊豈來覓食邪左右
言之乃引見弋仲性狷直俗無尊卑皆汝之季龍怒
而不責賜以鎧馬弋仲曰汝看老羌堪破賊不於是
貫錕跨馬於庭中策馬南馳不辭而出遂滅梁犢。
冉閔之亂弋仲遣其子襄討閔襄曰汝才十倍於
閔若不柴擒不須復見我也襄大破閔而歸弋仲怒
襄之不擒閔也杖之一百石氏滅乃歸晉永和八年
卒

襄字景國弋仲第五子弋仲死晉勳襄于譙城後與
殷浩不叶襄乃北引將圖關中符生遣符堅要擊之
襄敗為堅所殺時晉升平元年也

姚萇

姚萇字景茂弋仲第二十四子也襄死萇率諸弟降
于符生符堅以萇為揚武將軍及符堅寇晉以萇為

姚弋仲姚萇一



從村
晉 堅寇

僭即
出十
長安

古成
誥崇
風教

龍驤將軍謂長曰朕本以龍驤建業龍驤之號未曾
假人今特以相授山南之事一以委卿堅左將軍費
衡進曰王者無戲言此將不祥之徵也惟陛下察之
堅默然及長之討慕容泓堅子獻死之長懼奔于馬
牧西州豪族尹詳等率五萬餘家推長為盟主及殺
符堅于新平以太元十一年僭即位于長安改元曰
建初國號大秦改長安曰常安時諸營既多故號長
軍為大營之號自此始也。長性簡率群下有過或
面加罵辱太常權翼言於長曰陛下弘達自任不脩
小節有高祖之量然輕慢之風所宜除也長曰吾之
性也吾於舜之美未有片焉漢祖之短已收其一若
不聞讜言安知過也。長敗符堅于安定置酒高會
謂諸將曰吾不如亡兄有四所以得建立功業策任
群賢者止望等略中一片耳群臣咸稱萬歲長寢疾
夢符堅為出示寤而驚悸遂狂言以太元十八年死在
位八年

姚興 尹綽

姚興字子略長之長子也太元十九年僭即帝位于
槐里改元曰皇初遂如安定給事黃門侍郎古成誥
風韻秀率確然不群每以天下是非為已任時京兆

姚興 姚興 片九ノ二

佛經

論宗
文敬之

韋高慕阮籍之爲人居母喪彈琴飲酒誥聞而泣曰
吾當私刃斬之以崇風教遂持劍求高懼逃匿終
身不敢見誥晉輔國將軍表虔之等貳于相玄懼而
奔興興臨東堂引見謂虔之等曰相玄雖晉臣其實
晉賊其才度定何如父也能辦成大事不虔之曰玄
不如其父遠矣今既握朝權必行篡奪既非命世之
才正可爲他人驅除耳此天以機便授之陛下願速
加經略廓清吳楚興大悅以虔之爲大司農興如道
遙園引諸沙門聽鳩摩羅什演說佛經羅什通下夏
言尋覽舊經多有乖謬不與胡本相應興與羅什及
沙門僧略等八百餘人更出小品羅什持胡本興執
舊經以相考校續出諸經并諸論二百餘卷今之新
經皆羅什所譯興既託意於佛道公卿以下莫不欽
附沙門州郡化之事佛者十室而九矣涼州刺史王
尚坐匿呂氏宮人擅殺此人簿丞等禁止南臺涼州
別駕宗敞等上疏理尚云云興覽之大悅謂其黃門
侍郎姚文祖曰卿知宗敞乎文祖曰與臣同里西方
之英雋只曰有表理王尚文義其佳恐非敞所作文
祖曰敞昔與呂超周旋陛下試可問之只因謂超曰
宗敞文才何如可是誰輩超曰敞在西土時論甚美

城門
尉
昏還

兒
壽
象

方啟魏之陳徐晉。潘陸即以表示超曰涼州小地
寧有此才乎超曰臣以啟餘文比之未足稱多琳琅
出于崑嶺明珠生于海濱若必以地求人則文命大
夏之棄夫姬昌東夷之擯士但當問其文彩何如不
可以區區于格物興悅赦尚罪以為尚書。興從朝門
游于文武苑及昏而還將自平朔門入前驅既至城
門校尉王蒲聰被甲持杖閉門距之曰今已昏闔姦
良莫辨有死而已門不可開興乃迴從朝門而入旦
而召其尚書楊佛嵩謂之曰吳兒不自知乃有非分
興召其尚書楊佛嵩謂之曰吳兒不自知乃有非分
之意待至孟冬當遣卿率精騎焚其積聚時西胡梁
國兒於平涼作壽冢每將妻妾入冢飲讌酒酣升靈
牀而歌時人或譏之國兒不以為意前後征伐有功
封平輿男年八十餘乃死義熙十一年吳死時年五
十一在位二十一年

尹緯字景亮天水人少有大志每覽書傳至宰相立
勳之際常撥書而歎晚仕符堅為吏部令史風志豪
邁即皆憚之及姚萇奔馬牧緯與尹詳等推萇為盟
主遂為佐命元功萇既敗符堅遣緯說堅求禪代之
事堅問緯曰卿於朕何官緯曰尚書令史堅歎曰卿

宰相

成與業力

即位封東宮

宰相才也王景略之儔而朕不知卿亡也不亦宜乎
緯性剛簡清亮慕張子房之為人馮翊段鏗性傾巧
甚愛其博識引為侍中緯固諫以為不可長不從緯
屢眾中辱鏗鏗心不平之甚聞而謂緯曰卿性不好
學何為憎學者緯曰臣不憎學憎鏗不正耳長於是
出鏗為北地太守長死緯與興成符登成興之業皆
緯之力也及死興其悼之

姚泓

姚泓字云子興之長子也孝友寬和而無經世之用
又多疾病久之乃立為太子受經於博士淳于歧歧
病泓親詣省疾拜于牀下自是公侯見師傅皆拜焉
泓以義熙十一年僭即帝位改元永和將封宮臣十
六人五等子粵姚讚諫曰東宮文武自富有守忠之
誠未有赫然之效何受封之多乎泓曰懸爵於朝所
以懲勸來效標明盛德元子遭家不造與宮臣同此
百憂獨享其福得不愧於心乎讚默然姚紹進曰陛
下不忘報德封之是也。晉大尉劉裕惣六軍伐泓
次于彭城遣檀道濟入自淮淝攻淝立遣沈林子自
汴入河攻倉垣泓以內外離叛王師漸逼咸旦朝辭
臣于其前殿悽然流涕群臣皆泣及王師入長安

尹結

二九十五

隆
劉裕

計無所出謀欲降于裕其子佛念登營牆自投而死
弘將妻子詣囂門而降讚送弘于建康市斬之弘在
位二年建康百里之內草木皆樵死焉自長至泓三
世凡三十二年

論姚
弋仲

史臣曰自長江徙御化龍創業巨寇乘機而未寧戎
馬交馳而不息晦重氛於六漠鼓洪流於八際天未
厭亂凶柝寔繁弋仲越自金方言歸石氏抗直詞於
暴王闡忠訓於危朝貽厥之謀在乎歸順鳴哀之義
有足稱焉景國弱歲英奇見方孫策詳其幹識無忝
斯言遽踐迷塗良可矣夫景茂因仲襄之緒躡符亡

姚
弋

之會嘯命群豪校弘伯業假仲容之銳俯定函秦挫
雷惡之鋒載寧東北在茲姦略實冠凶徒列樹而表
新營雖云效績存棘而陵舊主何其不仁安枕而終
斯其幸也○子略尅摧勅敵荷成先構虛標訪道側

姚
弋

席求賢敦友弟以睦其親明賞罰以臨其下英髦盡
節瓜牙畢命取汾絳陷許洛欵借燕而藩偽蜀夷隴
右而靜河西俗阜年豐遠安邇輯雖楚乘秦穆何以
加焉既而逞志矜功弗虞後患委京都於秀髮授朔
方於赫連專已生火邊城繼陷詎諫招禍蕭牆屢發
戰無寧歲人有危心豈宜聘彼雄圖被深恩於介士翻

那似

崇詭說加殊禮於桑門當有為之時隸無為之業服
衣腴食殆將萬數拘實談空靡然成俗夫以漢朝殷
廣猶鄙鴻都之費况乎偽境日侵寧堪求貴之役儲
用殫竭山林有稅政荒威挫職是之由坐致淪胥非
天喪也。元子以庸懷之質屬傾擾之餘內難萬殷
外禦斯輟王師代瀕弭節而下長安凶嗣失圖係組
而降軼道物極則反抑斯之謂歟

贊曰 弋仲剛烈終表奇節襄實英果長惟姦桀與始
崇構弘遂摧威貽誡將來無踐危轍

後蜀

李特 勢

李特字玄休巴西宕渠人其先廩君之苗裔也昔武
落鍾離山崩有石穴二所其一赤如丹一黑如漆有
人出於赤穴者名曰務相姓巴氏有出於黑穴者凡
四姓曰暉氏樊氏相氏鄭氏五姓俱出皆事為神於
是相與以劔刺穴屋能著者以為廩君四姓莫著而
務相之劔懸焉又以土為船雕畫之而浮水中曰若
其船浮存者以為廩君務相船又獨浮於是遂稱廩
君乘其土船當夷水而下至于益陽益陽水神女子
止廩君不得行廩君射之中益神益神死復乘土船

姚弋 李特 廿九七

下及夷城因居之秦并天下以爲黔中郡巴人呼賦
爲賓因謂之賓人焉漢高祖更名其地爲巴郡漢末
賓人自巴西之宕渠遷于漢中魏武帝克漢中特祖
將五百餘家歸之武帝遷于略陽元康中關西擾亂
百姓流移相與入漢川者數萬家特隨流人將入蜀
至劔閣箕踞太息顧眄險阻曰劉禪有如此之地而
面縛於人豈非庸才邪流人既入蜀散在益梁特等
聚衆專爲寇盜蜀人患之太安元年特自稱益州牧改
年建初二年特與益州刺史羅尚戰特軍敗績尚斬
特傳首洛陽在位二年。其子雄僭即帝位改元
曰太武其後立元蕩子班爲太子特弟驥退而流涕
曰亂自此始矣咸和八年雄死在位三十年雄寬厚
簡刑約法時海內大亂而蜀獨無事百姓富貴閭閻
不閉雄嘗無事小山丞相楊褒於後持矛馳馬過雄
雄怪問之對曰天統天下之重如臣乘惡馬而持矛也
急之則慮自傷緩之則懼其失是以馬馳而不制也
雄寤即還。班嗣僞位雄子越與弟期密計圖之
咸和九年班因夜哭越殺班於殯宮在位一年雄子
期嗣位期在位政刑紊亂李壽率兵襲之廢期爲
都縣公咸康二年期自縊死在位三年

揚褒
因馬
而諫

任調
勤
身

壽字武考驥之子也初剋成都長史羅恒等勸壽稱
藩於晉而任調等勸壽自立壽命筮之占者曰可數
年天子調喜曰一日尚為足而况數年乎壽曰朝聞
道夕死可矣任侯之言策之上也遂以咸康四年僭
即偽位改元為漢吳在位三年死

降于
桓溫

勢字子仁壽之長子也嗣偽位改元曰太和又改年
嘉寧大司馬溫桓率水軍伐勢勢大發軍距溫溫從間
道至成都勢面縛降溫送勢于建康封勢歸義侯在
位五年而敗自特至勢凡四十六年以穆帝永和二
年滅

特
論李

史記曰昔周德方隆古公切踰梁之患漢祚斯永宣
后吳渡滄之師是知戎狄亂華竄深自古况乎巴濮
雜種厥類寔繁資剽切以全生習犷悍而成俗李特
世傳凶狡早擅梟雄太息劍門志吞并絡屬晉綱之
落紐棄羅侯之無斷騁馬屬韃同聲雲集鐵殄蜀漢
荐食巴梁沃野無半菽之資華陽有折骸之憂蓋上
失其道覆敗之至於斯仲雋天挺英姿見稱奇偉推
鋒累載克隆霸業蹈玄德之前基掩子陽之故地溥
賦而綏弊恰約法而悅新邦擬於其倫寔孫權之亞
也若夫立子以嫡往哲通訓繼躋承基前脩茂範而

李特 李勢 共九九

李班
李期

雄聞經國之遠圖蹈匹夫之小節傳大統於猶子託
強兵於厥裔遺骸莫歛尋戈之實已深星紀未周傾
巢之變便及雖云天道抑亦人謀班以寬愛雁火期
以暴戾速禍殊途並失異術同言武考曷藉世資窮
兵竊位罪自周帶毒甚楚圍獲保歸至何其幸也子
仁承緒繼傳昏虐驅率餘燼敢鉅大邦授甲辰征則
理均於困獸斬關密道則義殊於前禽宜其懸首國
門以明大戮遂得禮同劉禪不亦優乎

贊晉圖地馭百六斯鍾天垂伏轡野戰群龍李特
窺竄盜我巴庸世歷五朝年將四紀篡殺移國昏狂
繼軌德之不脩險亦難恃



呂光

呂光字世明略陽人也父婆樓佐命符堅官至太尉
光生夜有神光之異故以光為名年十歲與諸童兒
遊戲邑里為戰陣之法儔類咸推為主部分詳平群
童歎服自重瞳子左肘有肉印沉毅凝重寬簡有大
量喜怒不形于世時人莫之識也唯王猛異之曰此
非常人言之符堅除夷陽令夷夏愛服累遷驍騎將
軍堅既平山東士馬強盛遂有圖西域之志乃授光

生有神光
重瞳
肉印

討西域

改寧州

通蜀

借即三河王位

使持節都督西討諸軍事提兵七萬鐵騎五千以討西域行至高昌聞堅寇晉光欲更領後命部將杜進曰節下受任金方赴機宜速何更留乎光乃進及流沙三百餘里無水將士失色光曰吾聞李廣利精誠玄感飛泉備出吾等豈獨無感致乎皇天必將有濟諸君不足憂也俄而大雨平地三尺進兵至焉耆其王率其旁國請降龜茲王帛純距光進改龜茲城戰于城西大敗之帛純收其珍寶而走王候降者三十餘國光入其城大饗將士見其宮室莊麗命參軍段業著龜茲宮賦以譏之胡人奢侈厚於養生家有蒲萄酒或至于斛經十年不敗之矣師沒酒藏者相繼矣光既平龜茲有留患之志時始獲鳩摩羅在羅什勸之東還光以駝一萬餘頭致外國珍寶及殊禽怪獸千有餘品駁馬萬餘匹光入姑臧自領涼州刺史及聞符堅為姚萇所害於是大赦境內建元曰太安是時麟見金雁懸白獸從之光以為已瑞以爲之太元十四年借即三河王位年號麟嘉是歲張掖督郵傳曜考覈屬縣而立池令尹興殺之投諸空井曜見夢於光曰臣張掖郡小吏案校諸縣而立池令尹興賊狀狼籍懼臣言之殺臣投於空井中臣衣

子紹
嗣位

服形狀如是光寤而猶見父之乃臧遣使覆之如夢
光怒殺與○初光徙西海郡人於諸郡至是諺曰初
馬心何悲念舊中心勞燕雀何徯徯意欲還故巢光
以太元二十一年僭即天王位改年龍飛立世子紹
為太子光以○○隆安二年死時年六十在位十年
紹嗣偽位未幾光之庶長子篡殺紹於台官篡位紹自
殺

呂纂

呂弘
攻

呂纂字永緒以隆安四年僭即天王位改元咸寧弟
呂弘恐不為纂所容起兵東苑攻纂纂遣將令弘引
眾憤出奔纂兵大掠引之妻子亦為士卒所辱纂突
謂群臣曰今日之戰何如侍中房處對曰天禍涼室
釁起咸藩雖弘自取夷滅亦由陛下無棠棣之義且
弘妻陛下之弟婦也弘女陛下之姪女也奈何使無
賴小人奪為婢妾天地神明豈忍見此纂改容謝之
召弘妻及男女于東宮厚撫之呂方執弘告纂纂遣
方士康龍拉殺之纂遣太守呂超擅伐鮮卑思盛
思盤訢超於纂纂奔超入責之超謝罪纂因引超入
于內殿呂隆勸纂酒至昏醉超因刺殺
在位三
年超既殺纂遂廢隆隆光臣寶之子也以安帝元

呂光 呂太 北九下

因元年僭即位改元神鼎。姚弋弼將姚碩德率兵至姑臧，呂超出戰大敗，遁還。呂超因勸隆請降，隆乃降。碩德尋隆遣超率騎多齎珍寶，請迎于姚弋弼。遣將迎之，隆東遷長安，其後隆謀反，為弋弼所誅。自光至隆，凡十二載，以安帝元、且二年滅。

後周 自晉室不綱，中原蕩折，符氏果譽，鸚鵡號神州。世明委質，為朝位居上將，爰以心膂受服，遐征鐵騎。如雲出玉門，而長驚瑠玕，耀景捐金，立而一息。最承夷險，承風霧卷宏圖，壯節亦足稱焉。屬永固運銷，群雄競起，班師右地，便有覬覦。於是嬰結六戎，潛窺鴈鼎，并合五郡，遂假鴻名，控黃河以設險，負玄漠而為固。自謂克昌霸業，心嚴孫謀，尋而耄及政昏，親離眾叛，瞋目甫爾，變發驚精，紹纂元才，負乘致寇，弘超克狡，職為亂階，永其基庸，庸面縛姚氏，昔嘗融歸，順榮煥累葉，隗躡干紀，靡終身世，而光棄茲勝，躡遵彼覆車，十數年間，終致殘滅，向使矯邪歸正，其重為忠，鳴檄而蕃晉朝，杖義而誅醜虜，則燕秦之地，可定，相文之功，可立，郭馨段業，豈得肆其姦蒙，遂為孤無所窺，其隙矣。而猥禍非據，何其謬哉！夫天地之大德曰生，聖人之大宝曰位，非其人而處其位者，其禍必速，在其

尤書

位而忘其德者其殃必至天鑒非遠其可濫乎
贊曰金行不競室業斯屯瓜分九寓以聚二秦呂氏
伺隙斯我人神天命難假終亦湏淪

○
後漢

慕容垂

慕容垂字道明皝之第五子也少岐嶷有器度手垂
過膝皝其寵之常日而謂諸弟曰此兒闊達好奇終
能破人家或能成人家故名霸字道業恩遇踰于世
子雋後改名軼外以慕容軼為名內實惡而改之尋以
識記之文乃去夫以垂為名焉及雋僭稱尊號封垂

晉書

吳王及慕容暉嗣為位慕容恪為太宰恪甚重垂王
可謂親賢兼奉後以慕容評見忌乃奔于符堅堅禮
之甚重堅之敗於淮南也垂軍獨全堅以千餘騎奔
垂垂世子宝勸垂滅堅因曰五木之祥今其至矣垂
以堅待之厚未欲負堅固弗從乃以兵屬堅初宝在
長安與韓黃李根等因讒撓捕宝危坐整容誓之曰
世云樛浦有神豈虛也哉若富貴可期頻得二虜於
是二擲尺盧至拜而受賜故云五木之祥○堅至
澠池垂請至鄴展拜陵墓因張國威刑以安戎狄堅
許之權書異諫曰垂猶鷹也飢則附人飽則高颺遇風

五木之祥

慕容垂廿九已十四

塵之會必有凌霄之志惟其急其羈絆不可任其所
欲堅不從未幾番粟叛以太元八年自稱燕王建元
曰燕元符不時鎮鄴堅遣侍即姜讓責垂垂詰讓胡
不以鄴見歸讓历也責垂曰主上與將軍風殊類別
臭味不同奇將軍於一見託將軍以斷金奈何王師
小敗便有一圍左右勸垂殺之垂曰古者兵交使在
其間大各吠非其主何所問也乃遣讓歸垂定都中
山羣僚勸即尊號遂以太元十一年僭即位改元曰
建興後垂伐慕容永曰吾計決矣且吾投老扣囊底
智足以尅之不復留逆賊以累子孫也○垂以太元
二十一年為蘭汗所弑即隆安二年也蘭汗垂之季
舅也至死子盛殺汗自立盛汗之

慕容盛

慕容盛字道遷即位改元曰建元又改年曰長樂盛
譙其群臣于新昌殿盛曰諸卿各言其志朕將覽之
七兵尚書李信年十五盛之舅子也進曰在上不驕
高而不危臣之願也盛笑曰丁尚書年少得長者之
言乎盛以威嚴馭下驕暴少親多所猜忌故信言及
之盛任位三年為慕容國等所弑是歲隆安五年也

慕容熙

盟

慕容廆字道文垂之少子也盛死僭即尊位改年曰光始熙寵愛皇后符氏爲起承華殿高承光一倍負土於北門土與穀同價符氏嘗烹魚凍魚膾仲冬須生地黄皆下有司切責不得加以大辟其虐也如此符氏死熙悲號躡踊若喪考妣大歛訖復啓其棺而與交接制百僚於宮內哭臨使有司按檢哭者有淚以爲忠孝無則罪之於是羣臣震懼莫不含辛以爲淚焉熙送符氏喪因爲慕容雲所弑在位六年自垂至熙四世凡二十四年以爲國而義熙二年滅

慕容

四星東聚金陵之氣已分五馬南浮玉塞之

雄方樓市朝屢改艱虞廉意慕容垂天資英桀威震本朝以雄略見猜而庇身竟政永固受之而以禮道明事之而畢力然而隼質難羈狼心自野淮南失律三甥之謀已構河朔公麾五木之祥云啓斬飛龍而遐舉踰石門而長邁遂使翟氏景從鄴師宵逸收羅趙魏驅駕英雄扣囊餘竒摧五萬於河曲浮船祕策招七郡於黎陽返遼陰之舊物創中山之新社類帝裡宗僭擬斯備失以重耳歸晉賴五臣之功句踐給吳資五千之卒惡有業殊二霸衆微一衣掎拔而傾山岳騰嘯而御風雲雖衛人忘亡復傳於東國任好

餘裕伊愧於西鄰信符氏之姦回非晉室之鯨鯢矣
寶以浮蒼獲升峻文御俗蕭牆內憤勃敵外陵雠毒
不被物而惡足自勤盛罰萃友具符文武不墜韜光
而夷讎賊罪已而遂高危翩翩然濁世之佳虜矣○
熙乃地非與王季因淫德驪戎之態取悅於匡牀玄
妻之姿且奇於鬢鬢系湯輶舟於曲光之海望潮涉於
景雲之山飾土木於驕心窮然嗟於最壞宗祀夷滅
為馮氏之驅除焉

贊曰戎狄馮陵山川洪騰天未悔禍人非與能疾走
而捷先鳴則且道明烈烈鞭笞豪桀掃蕪夷魏剽屠
永滅大盜落後馮名遂竊室心生亂盛清家難熙極
驕淫人懷憤慨孽貽身咎必無以定

名公增修標註晉書詳節卷之三十

載記

○西秦

乞伏國仁 乾歸 熾盤

論國仁

乾歸

熾盤

史臣曰夫天地閉大侵生雲雷屯群凶作自是室讎孽胡兵肆禍封域無紀干戈是務國仁陰山遺噍難以義服徇我阡危長其陵暴向使偶欽明之運遭雄略之主已當褫魄沙漠請命藁街豈暇竊憑近郊經綸王業者也。乾歸智果不及遠而以力詐自矜陷呂延之師姦謀潛斷俘視熙之衆威策遐舉便欲誓泝隴之餘卒窺崑函之奧區秣疲馬而宵征翦勅敵而朝食既而控弦鳴鑼志未逞沮岸崩山其功已喪履重氛於外難幸以計全貽巨釁於蕭牆終成凶禍宜哉。熾盤叱咤風雲見機而動牢籠雋傑決勝多奇故能命將掩澆河之酋臨戎襲樂都之地不為數載遂隆偽業覽其遺迹盤亦有道乎

○北齊

馮跋 素邦

馮跋字文起長樂信都人其先畢萬之後也萬之子孫有食采馮鄉者因以氏焉慕容寶僭號署跋中衛將軍慕容熙即位欲誅跋兄弟跋與弟俱亡及慕容

乞伏國仁馮跋 三十一

今百
姓植
桑柘

雲為幸臣所殺眾推跋為主於是以太元二十二年僭
稱天子于昌黎不徙舊號即國曰燕建元曰太平跋
勵意農桑乃下書曰桑柘之益有生之本此土少桑
人未見其利可令百姓人植桑一百根柘二十根時
地震右寢壞跋問太史令閔尚曰比年屢有地動之
變卿可明言其故尚曰地陰也主百姓震有左右比
震皆向右臣懼百姓將西移跋曰吾亦甚慮之跋立
十一年至是元熙元年也此後事入於宋跋死弟弘
立凡二世二十有八載

有學
衡之
度

素弗跋之長弟也慷慨有大志任俠放蕩不脩小節
故時人未之奇南宮令成藻蒙俊有高名素弗造焉
藻命門者勿納素弗徑入與藻對坐旁若無人談飲
連日藻始奇之曰吾遠求騏驎不知近在東鄰何識
子之晚也當世俠士莫不歸之及跋僭號遂為宰輔
好存亡繼絕申拔舊門論者歸其有宰衡之度先跋
死跋哭之哀慟

自五胡縱惠九域逾育帝里神州遂混之為
荒裔鴻名寶位咸假之於雜種嘗謂戎狄凶器求窺
道德欺天擅命抑乃其常而馮跋出自中州有殊醜
類因鮮卑之民虐亦盜名於海隅然其遷徙之餘少

馮跋素弗二十已二

非雄傑幸以寬厚為眾所推初雖砥礪終罕成德舊史稱其信感妖祀斥黜諫臣無開馭之才異經決之士信矣速禍致寇良謂任茲猶能撫育黎萌保守疆宇發號施令二十餘年豈天意乎非人事也

○**國仁**驍武乾歸勇悍矯矯熾繁臨機能斷孰謂
德虜亦懷沈筭艾起常才憑時叛換威竊太寶為我
多難

○**南涼**

秃髮烏孤

秃髮烏孤河西鮮卑人八世祖匹孤匹孤卒子壽闡

自稱
西平
王

立初壽闡之在孕母相掖氏因寢而產於彼中鮮卑謂被為秃髮因而氏焉壽闡孫樹機能據有涼州之地至烏孤嗣位呂光遣使署為冠軍大將軍隆安九年自稱西平王號太初後徙于樂都烏孤死弟利鹿孤立

秃髮利鹿孤

利鹿孤以隆安五年僭稱河西王利鹿孤謂其群下曰戎軍屢駕無闕境之功務進賢彥而下猶蓄魚鼎豈所任非才將吾不明所致也祠部郎中史嵩對曰今取士拔才必先弓馬文章與藝為無用之條非所以

來遠人垂不朽也宜建學校選耆德碩儒以訓胄子
利鹿孤善之於是以甲乙冲趙誕為博士祭酒以教
胄子利鹿孤在位三年而死弟倭檀嗣

秃髮倭檀

倭檀少機警有才叟其父奇之謂諸子曰倭檀明識
幹敏非汝等輩也以元興元年僭號涼王姚興涼州
刺史王尚遣主簿宗敞來聘敞父憂呂光時為尚書
郎見倭檀于廣武執其手曰君神爽宏拔逸氣凌雲
命世之傑也必當冠消世難恨吾年老不及見耳以
敞兄弟託君善是倭檀謂敞曰孤以常才謬為尊先

命世之傑

君所見稱每自恐有累大人水鏡之明及忝家業竊
有懷君子不圖今日得見鄉也敞曰大王仁侔魏祖
存念先人雖生暉眄張堪之孤叔向撫汝齊之子無
以加也後姚興署倭檀為涼州刺史倭檀入涼州譙
群僚于宜德堂仰視而歎曰古人言作者不居居者
不作信矣孟禔進曰寬饒有言富貴無常忽輒易人
此堂之建年垂百歲十有二主唯信順可以久安仁
義可以永固願大王勉之倭檀曰非君無以聞謹言
也倭檀雖受制於姚興然車服禮章一如王者其後
倭檀伐沮渠蒙遜為所敗又與赫連勃勃戰為勃勃

俾儻
比蹤
前烈

所敗姚興遣章宗來觀景儻禮與宗論機變無窮辭
致清辯宗出而歎曰命世大才經略名教者不必華
宗夏士撥煩理亂澄氣濟世者亦未必八索九丘五
經之外冠冕之表復自有人車騎也儻神機秀發信
一代之偉人由余日碑豈足為多也宗還長安言於
興曰涼州未可圖也後儻禮出西征乙弗使太子武
臺守樂都乞伏熾盤乘虛來襲旬而城潰得禮聞
之其將士皆逃散儻遂歸熾盤歲餘為熾盤所鳩
烏孤至儻禮三世凡十九年以國帝義熙十年滅

史臣曰禿髮思樂首豪擅強邊服控弦玉塞躍馬金

山倏滿月而窺兵乘折膠而縱鏑禮容弗被聲教斯
阻烏孤納符弘之策治兵以討不賓鹿孤從史高之
言建瓴于而訓胄子遂能開疆河右抗衝疆國道由人
弘抑此之謂儻禮承思捷之統藉一昆之資推呂氏
筭無遺策取姑臧兵不血刃武畧雄圖比蹤前列既
而叨竊重位及罽彌易期窮兵以逞其心縱慝自貽其
弊地奪於蒙遜勢岌於赫連覆國喪身猶為幸也昔
宋殤好戰致災於華督楚靈黷武取殺於乾谿異代
同亡其於儻禮見之矣

贊曰禿髮兄弟擅雄羣虜開疆河外清氛西土儻禮

傑出騰駕時英窮兵黷武喪國頽聲



慕容德

多才藝

慕容德字玄明，號之少子也。姿貌雄偉，額有日角，偃月重文，博觀群書，多才藝。凡垂嘗與共論軍國大謀，言必切至。垂謂之曰：汝器識長，非復兵下阿蒙也。慕容暉敗徙于長安，苻堅以為張掖太守，堅之敗也，德乃從垂如鄴。慕容寶嗣位，以德鎮鄴。及魏收中山，寶所將乘勝攻鄴，德擁眾南渡，徙滑臺。遇風船沒，魏軍垂至，其夕流斯凍，合是夜濟師。旦魏師至而冰泮。

得白玉狀若玉

若有神焉。遂改黎陽之為天橋津。及至滑臺，景崖見于箕尾，漳水得白玉狀若玉。於是德依燕元故事，稱元年。至是慕容寶有龍城南奔，至黎陽，遣使召迎之。德謂其下曰：卿等前以社稷大計，勸吾攝政。今天方悔禍，嗣帝得還，吾將具駕奉迎，謝罪行闕。然後用巾私第，卿等以為何如其侍郎張華勸德毋浪讓。會寶知德攝位，懼而北奔。乃止。德謀定都其尚書潘聰曰：青齊沃壤，號曰東秦，四塞之固，負海之饒，可謂用武之國。廣固者曹疑之所，營山川阻峻，足為帝王之都。德大悅，乃引師而南，兗州北鄆諸縣，咸降。遣慕容鍾

即帝
位于
廣固

傳檄青州諸郡諸郡皆奉檄降于德德遂入廣固僭
即皇帝位改元為建平後因讌群臣酣笑而言曰朕
雖寡薄恭已南面而朝諸侯可方自古何等主也其
青州刺史鞠仲曰陛下中興之聖后少康光武之儔
也德顧命左右賜仲帛十匹仲以賜多為讓德曰卿
知調朕朕不知調卿乎韓範進曰臣聞天子無戲言
忠臣無妄對今日之論上下相欺可謂君臣俱失德
大悅賜範絹五十匹自是昌言競進朝多直士矣德
如齊城登營丘望嬰家顧謂左右曰禮大夫不逼
城葬乎仲古之賢人達禮者也而生居近市死死近

賞諫

齊魯
固多
君子

城豈有意乎青州秀才晏謨對曰孔子稱臣先人平
仲賢則賢矣豈不知高其梁豐其禮蓋設在家門故
儉以矯世存君淑隘卒豈擇地而葬乎所以不遠門
者猶異悟平生意思也遂問謨以齊之山川丘陵賢否
舊事謨麻對詳辯畫地成圖德深嘉之拜謨書郎德
因饗宴乘高遠矚顧謂尚書魯遂曰齊魯固多君子
當昔人盛衰之時接榭巴生淳于鄒田之徒陰脩擔臨
清沼馳朱輪佩長劍恣飛馬之雄辭奮談天之逸辯
拍案則紅紫成章悅仰則丘陵生韻至於今日荒草
頽墻氣消煙滅求言千載能不依然遂答曰武王封

比干之墓漢祖祭信陵之墳皆留心賢哲每懷往事
陛下慈深二主澤及九泉若使彼而有知寧不衝何
矣○俄而德寢疾無子以兄子超為太子德死即義
熙元年也乃夜為十餘棺分出四門潛葬山谷竟不
知其尸之所在在位五年

慕容超

妍皮
不裹
疑骨

慕容超字祖明德兄北海王納之子初超徙于長安
姚紹見而異焉勸姚興拘以爵位召見與語超深自
晦匿興大鄙之謂紹曰諺云妍皮不裹疑骨妄語耳
由是得去來無禁德遣使迎之超不告母妻而歸德
甚加禮遇始名之曰超德無子以超為太子及德死
以義熙元年僭嗣為位改元曰太上天以慕容鍾錄尚
書事封孚為太尉自餘封拜各有差後又以鍾為青
州牧段宏為徐州刺史公孫樓為武衛將軍內參政
事封孚言於超曰臣聞五大不在邊五細不在庭鍾
國之宗臣宏外戚歎坊正應受翼百揆不宜遠鎮方
外超不從鍾宏俱有不平之色相謂曰黃大之皮恐
終當補狐裘也五樓聞之嫌隙漸溝初超自長安行
至梁父慕容法特為兗州鎮南長史悅壽還謂法曰
向見北海王子天資弘雅神爽高邁始知天族多奇

玉林皆寶法曰昔成方遂訕稱衛太子人莫辨之此
 復天族乎超聞而恚恨法亦怒處之外館由是與慕
 容鍾段宏等俱叛尚書都令史王儼詣事五樓累送
 尚書左丞時人為之語曰欲得侯事五樓○晉別裕
 率師討超王師次東莞超遣將分距之眾將俱敗超
 懼入保小城未幾裕師圍城四合朔旦超登天門朝
 羣臣于城上所幸姬魏夫人從超登城見王師之盛
 握超手而相對泣其領軍韓謙諫曰陛下遭百六之
 會正是勉強之秋而反對女子悲泣何其鄙也超拭
 目謝之於是地道出戰王師不利河間人玄文說裕
 曰昔趙攻曹疑望氣者以為滹水帶城非可攻拔若
 塞五龍口城必自陷石季龍從之而疑請降後慕容
 恪之圍段龍亦如之而龍降降後無幾又震開之今
 舊其猶在可塞之裕從其言至是城中男女患脚弱
 病者大半城中出降者相繼尚書悅壽遂開門以納
 王師超為裕軍所執送建康而斬之在位六年德以
 隆安四年僭位至超凡十一年以義熙六年滅
 慕容德以季父之親居鄴中之重朝危未聞
 其節君存遠踐其位豈人理哉然當儼儻之雄交翽
 從橫之遠略屬分崩之運成角逐之資跨有全秦竊

起容慕論

弄神器撫劍而爭衡秦魏練甲而志靜荆吳崇儒術以弘風延直言而勵已觀其為國有足稱焉超繼已成之基居霸者之業政刑莫恤政遊是好朴忠良而讒佞進暗聽受而勲戚離先緒俄頽家聲竟振陷宿豫而貽禍啟天峴而延敵君臣就虜宗廟為墟迹其人謀非不幸也

○(贊)德實多難雄轉敗為功奄有青土淫名城中超承偽祚持其國步廟失良筭時庭悲雲露

○(出題)

沮渠蒙遜

其先世為匈奴左沮渠蒙遜以官為氏焉

○(贊)蒙遜出自夷廠擅雄邊塞屬呂光之悖德深懷仇粥之冤推段業以濟時假以陳兵之事稱兵白澗南涼請和出師丹嶺北寇質服然而見利亡義苞禍滅親雖能制命一隅抑亦備諸凶德者矣

○(贊)光猜人傑業息時賢游飲自晦匿智圖全兇心既逞偽績假宣誕茲姦效數馳競當年

○(贊)

赫連勃勃

赫連勃勃字屈孛劉元海之族也身長八尺五十腰

寡突是起 沮渠蒙遜 赫連勃勃 三十一

僭稱
天王

官名
統方

龍雀
名

尅長
安

帶十圍性辯慧美風儀姚興見而奇之深加禮敬寵
 遇踰於勳舊尋加為安遠將軍使助沒弈于鎮高平
 頃之又以勃勃為安北將軍鎮朔方勃勃於是襲殺
 弈于而并其衆義熙二年僭稱天王建元曰龍昇自
 以匈奴夏后氏之苗裔也國稱大夏又改元為鳳翔
 以叱干阿利領將作大匠發鎮北夷夏十萬人於朔
 方水北黑水之南營起都城勃勃自言朕方統一天
 下君臨萬邦可以統萬為名阿利性尤工巧然殘忍
 刻暴乃蒸土築城錐入一寸即殺作者而并築之又
 造五兵之器精銳尤甚既成呈之工匠必有死者射
 甲不入即斬弓人如其入也即斬鍔匠又造百鍊剛
 刀為龍雀大鐮號曰大夏龍雀銘其背曰古之利器
 兵楚湛盧天夏龍雀名冠神都可以懷遠可以柔邇
 如風靡草威服九區世甚珍之復鑄銅為人鼓飛廉
 翁仲銅駝龍獸之屬皆以黃金飾之列于宮殿之前
 ○勃勃又下書自言帝王者係天為子是為徽赫實
 與天連今改姓曰赫連氏庶協皇天之意其非正統
 皆以鐵伐為氏庶朕宗族子孫剛銳如鐵皆堪伐人
 ○劉裕滅姚泓留子儀真鎮長安勃勃聞之遂率兵
 攻長安尅之群臣勸進於是為壇于灊上僭即皇帝

赫連勃勃 三十一

好暴

位改元曰昌武勃勃歸于長安徵隱士喜祖思既至而恭懼過禮勃勃怒曰吾以國士徵汝奈何以非類處吾汝昔不拜姚興何獨拜我我今未死汝猶不以我為帝王吾死之後汝輩弄筆當置吾何地遂殺之乃於長安置南臺以子瓚錄南臺尚書事勃勃還統萬以宮殿大成改元貞興刻石都南頌其功德勃勃性凶暴好殺群臣忤視者毀其目笑者決其脣諫者謂之誹謗先截其舌而後斬之夷夏踴然人無生類在位十三年宋受禪以宋元嘉二年死弟定僭號於平涼為魏所滅自勃勃至元凡二十有六年而亡

陰山之韞異氣

赫連勃勃獯醜遺類入居邊宇屬中壤分崩緣間肆匿控弦鳴鏑據有朔方遂乃法玄象以開宮擬神京而建社竊先王之徽號備中國之禮容馳駕英賢闕闕天下然其哭識高爽風骨魁奇姚興觀之而醉心宋祖聞之而動色豈陰山之韞異氣不然何以致斯乎維雄略過人而凶殘未革飾非詎諫酷害朝臣部內嘯然忠良卷舌滅亡之禍宜在厥身猶及其嗣非不幸也

淳維表商名主之餘嘯群龍漠乘賞侵漁爰創官宇易彼虜窟雖弄神器猶曰凶渠

赫連勃勃

三十七已終



圖書在版編目(CIP)數據

名公增修晉書詳節/[宋]呂祖謙輯. —北京:北京圖書館出版社,2006.12
(中華再造善本)
ISBN 7-5013-3331-9

I. 名… II. 呂… III. 中國—古代史—兩晉時代—紀傳體 IV. K237.042

中國版本圖書館CIP數據核字(2006)第123769號

ISBN 7-5013-3331-9



9 787501 333318 >

書名 名公增修晉書詳節(全十六冊)
著者 [宋]呂祖謙 輯

出版 北京圖書館出版社(100034 北京市西城區文津街七號)
發行 Tel:(010)66151313 Fax:(010)66174391

E-mail: Btsfxb@nlc.gov.cn
Website: www.nlcpress.com

印刷 金壇市古籍印刷廠

開本 八

印張 一一四·七五

版次 二〇〇六年十二月第一版第一次印刷

印數 一一二〇〇

書號 ISBN 7-5013-3331-9 / K·1373

定價 三六八〇圓

